

四庫全書

集部

欽定四庫全書

唐詩品彙卷十五

明 高棅 編

五言古詩

名家

下之三

韋應物

西清詩話云韋蘇州詩如渾金璞玉不假雕琢
成妍唐人有不能到至其過處大似村寺高僧
奈時有

野態

欽定四庫全書

唐詩品類
卷十五

遊溪

野水煙鶴唳
楚天雲雨空
玩舟清景晚
垂釣綠蒲中
落花飄旅衣
歸流淡清風
緣源不可極
遠樹但青蔥

起度律師同居東齋院

釋子喜相偶
幽林俱避喧
安居同僧夏
清夜諷道言
對閤景恒晏
步庭陰始繁
逍遙無一事
松風入南軒

語有
仙風

道骨

夕次盱眙縣

落帆逗淮鎮停舫臨孤驛浩浩風起波冥冥日沈夕人
歸山郭暗雁下蘆洲白獨夜憶秦關聽鐘未眠客

秋郊作

清露激境遠旭日照林初一望秋山靜蕭條形迹疎登
原忻時稼采菊行故墟方願沮溺耦澹泊守田廬

神靜師院

青苔幽巷徧新林露氣微經聲在深竹高齋獨掩扉憩
樹愛嵐嶺聽禽悅朝暉方耽靜中趣自與塵世違

與盧陟同遊永定寺北池僧齋

密竹行已遠，子規啼更深。
綠池芳草氣，閒齋春樹陰。
晴蝶飄蘭徑，遊蜂遶花心。
不遇君攜手，誰復此幽尋。

遊南齋

池上鳴佳禽，僧齋日幽寂。
高林晚露清，紅藥無人摘。
春水不生煙，荒崗筠石不應朝。
夕遊良為蹉跎客。

秋景詣瑯琊精舍

屢訪塵外跡，未窮幽賞情。
高秋天景遠，始見山川清。
上

陟巖殿憩暮看雲壑平蒼茫寒色起迢遞晚鐘鳴意有
清夜戀身為符守嬰悟言緇衣子瀟灑中林行

南園陪王卿遊矚

形跡雖拘檢世事澹無心郡中多山水日夕聽幽禽几
閣文墨暇園林春景深雜花芳意散綠池暮色沉君子
有高躅相攜在幽尋一酌何為貴可以寫沖襟

與幼遐君貺兄弟同遊白家竹潭

清賞非素期偶遊方自得前登絕嶺險下視春潭黑密

竹已成暮歸雲殊未極春鳥依谷喧紫蘭含幽色已將
芳景遇復款平生憶終念一歡別臨風還默默

東郊

吏舍跼終年出郊曠清曙楊柳散和風青山澹吾慮

自以

為得依叢適自憩緣澗還復去

遊興各
自寫

微雨靄芳原春鳩

鳴何處樂幽心屢止遵事跡猶遽終罷始結廬慕陶真
可庶

登西南崗卜居遇雨尋竹浪至澧壩縈帶數里

清流茂樹雲物可賞

登高創危構林表見川流微雨颯已至蕭條川氣秋下
尋密竹盡忽曠沙際遊紆直水分野綿延稼盈疇寒花
明廢墟樵牧笑榛丘雲水成陰澹竹樹更清幽適自戀
佳賞復茲永日留

乘月過西郊渡

遠山含紫氛春墅藹雲暮值此歸時月留連西澗渡謬
當文墨會得與羣英遇賞逐亂流翻心將清景悟行車

儼未轉芳草空盈步已舉候亭火猶愛村原樹還當守
故局恨恨垂幽素

山行積雨歸塗始霽

攬轡窮登降陰雨邁二旬但見白雲合不睹巖中春急
澗豈易揭峻途良難遵深林猿聲冷沮洳虎跡新始霽
升陽景山水閱清晨雜花積加霧百卉淒已陳鳴騶屢
驤首歸路自欣欣

遊龍門香山泉

山水本自佳遊人已忘慮碧泉更幽絕賞愛未能去潺
湲寫幽磴繚繞帶嘉樹激轉忽殊流歸泓又同注羽觴
自成翫永日亦延趣靈草有時香仙源不知處還當候
圓月攜手重遊寓

藍嶺精舍

石壁精舍高排雲聊直上佳遊愜始願忘險得前賞崖
傾景方晦谷轉川如掌綠林含蕭條飛閣起弘敞道人
上方至深夜還獨往日落羣山陰天秋百泉響所嗟累

已成安得長偃仰

龍門遊眺

鑿山導伊流中斷若天闢都門遙相望佳氣生朝夕素
懷出塵意適有攜手客精舍繞層阿千龕鄰峭壁緣雲
路猶緬憩澗鐘已寂花樹發煙華淙流散石脉長笑招
遠風臨潭漱金碧日落望都城人間何役役

登樂遊廟作

高原出東城鬱鬱見咸陽上有千載祠乃自漢宣皇頽

墟久淩遲陳迹翳丘荒春草雖復綠驚風但飄揚周覽
京城內雙闕起中央微鐘何處來暮色忽蒼蒼歌吹喧
萬井車馬塞康莊昔人豈不爾百世同一傷歸當守沖
漠跡寓心自忘

夏日

已謂心苦傷如何日方永無人不晝寢獨坐山中靜悟
澹將遺慮學空庶遺境積俗易為侵愁來復難整

此夏
日詩

其尤
苦也

對芳園樹

迢迢芳園樹列映清池曲對此傷人心還如故時綠風
條灑餘靄露葉承新旭佳人不冉攀下有往來躅

亦何嘗用

意刻削正
自不可堪

閒齋對雨

幽獨自盈抱陰淡亦連朝空齋對高樹疎雨共蕭條巢
燕翻泥濕蕙花依砌消端居念往事倏忽若驚飈

秋夜二首

庭樹轉蕭蕭陰蟲還戚戚獨向高齋眠夜聞寒雨滴微
風時動牖殘燈尚留壁惆悵平生懷偏來委今夕

吾韻
蘇州

詩至此切怪
其情近婦人

霜露已淒漫星漢復昭回朔風中夜起驚鴻千里來蕭
條涼葉下寂寞清砧哀歲晏仰空宇心事若寒灰

林園晚霽

雨歇見青山落日照林園山夕煙鳥亂林清風景翻提
攜唯子弟蕭散在琴尊同遊不同賞耿耿獨傷魂寂寞

鐘已盡如何還入門

出還

昔出喜還家今還獨傷意入室掩無光銜哀寫虛位
淒淒動幽幔寂寂驚寒吹幼女復何知時來庭下戲咨嗟

日復老錯莫身如寄家人勸我餐對按空垂淚

唐人詩
氣短蘇

州氣平短與平甚懸絕及其悼亡自
不能不短耳短者使人不欲再讀

送終

奄忽逾時節日月獲其良蕭蕭車馬悲祖載發中堂生

平同此居一旦異存亡斯與亦何益終復委山岡行出
國南門南望鬱蒼蒼日入乃云造慟哭宿風霜晨遷俯立
廬臨訣但遑遑方當永潛翳仰視日光俯仰遽終畢
封樹已荒涼獨留不得還欲去結中腸童稚知所失啼
號捉我裳即事猶倉卒歲月始難忘

哀傷如此豈有和聲哉而慘黯條達

愈緩
愈長

過昭國里故第

不復見故人一來過故宅物變知景喧心傷覺時寂池

荒墅筠合庭綠幽草積風散花意謝鳥還山光夕宿昔
方同賞詎知今念昔緘室在東廂遺器不忍覲柔翰全
分意芳巾尚染澤殘工委筐篋餘素經刀尺收此還我
家將還復愁惕永絕攜手歡空存舊行跡冥冥獨無語
杳杳將何適唯思今古同時緩傷與戚

睢陽感懷

豺虎犯天綱昇平無內備長驅陰山卒畧踐三河地張
侯本忠烈濟世有深智堅壁梁宋間遠籌吳楚利窮年

方絕輪鄰援皆攜貳使者哭其庭救兵終不至重圍雖
可越藩翰諒難棄饑喉待危巢懸命中路墜甘從鋒刃
斃莫奪堅貞志宿將降賊庭儒生獨全義空城唯白骨
同往無賤貴哀哉豈獨今千載當歎歎

柳宗元

舊史稱宗元少聰警絕人尤精西漢詩騷下筆
輒思與古為伴精裁密緻采若珠貝當時流輩
咸推之也蘇東坡云子厚詩在淵明下韋蘇
州上退之豪放奇險則過之而溫嚴靖深不及
也韓子蒼云柳州詩不多亦備衆家體惟學
陶是其本性所好獨不可及也朱晦菴云學

欽定四庫全書

卷十五

詩頌從陶柳門庭入也 嚴滄浪曰唐人惟子厚深得騷學退之李觀皆所不及也又曰子厚五言古詩尚在蘇州之上 劉辰翁曰子厚古詩短調紆鬱清美閑勝長篇點綴精麗樂府託興飛動退之故當遠出其下並言韓柳亦不偶然

雨後曉行獨至愚溪北池

宿雲散洲渚曉日明村塢高樹臨清池風驚夜來雨子心適無事偶此成賓主

溪居

久為簪組累幸此南夷謫閒依農圃鄰偶似山林客曉

耕翻露草夜榜響溪石來往不逢人長歌楚天碧

劉云境與

神會不由思得
欲重見自難耳

旦攜謝山人至愚池

在愚溪

新沐換輕幘曉池風霧清自諧塵外意況與幽人行霞
散衆山迴天高數雁鳴機心付當路聊適羲皇情

夏初雨後尋愚溪

悠悠雨初霽獨繞清溪曲引杖試荒泉解帶圍新竹沈
吟亦何事寂寞固所欲幸此息營營嘯歌靜炎燠

秋曉行南谷經荒村

杪秋霜露重晨起行幽谷黃葉覆溪橋荒村惟古木寒
花疎寂歷幽界微斷續機心久已忘何事驚麋鹿

中夜起望西園值月上

覺聞繁露墜開戶臨西園寒月上東嶺泠泠疎竹根石
泉遠逾響山鳥時一喧倚楹遂至旦寂寞將何言

郊居歲暮

屏居負山郭歲暮驚離索野迥樵喧來庭空燒燼落世

紛因事遠心賞隨年薄默默諒何為徒成今與昨

早梅

早梅發高樹迴映楚天碧朔風飄寒香繁霜滋曉白欲
為萬里贈杳杳山水隔寒英坐銷落何用慰遠客

湘岸移木芙蓉植龍興精舍

有美不自蔽安能守孤根盈盈湘西岸秋至風露繁麗
景別寒水穠芳委前軒芰荷諒難雜反此生高原

禪室

發地結青茆團團抱虛白山花落幽戶中有忘機客

筆墨

閑錄云不觀名篇知是禪室

涉有本非取照容不待拆萬籟俱緣生

窅然喧中寂心境本同如鳥飛無遺跡

酬賈鵬山人郡內新栽松寓興見贈

芳朽自為別無心乃玄功天天日放花榮耀將安窮青
松遺澗底擢蒔茲庭中積雪表明秀寒花助葱蘢幽貞
夙有慕持以延清風

戲題階前芍藥

凡卉與時謝妍華麗茲晨歎紅醉濃露窈窕留餘春孤
賞白日暮暄風動搖頻夜牕藹芳氣幽卧知相親願致
溱洧贈悠悠南國人

贈江華長老

江華道
州縣名

老僧道機熟默語心皆寂去歲別春陵泂流此投跡室
空無侍者巾屨唯挂壁一飯不願餘跏趺便終夕風牕
踈竹響露井寒松滴偶地即安居滿庭芳草積

田家三首

曾氏筆墨閑錄云田家詩如雞鳴村
巷白里胥夜經過等句絕有淵明風

味

蓐食徇所務驅牛向東阡雞鳴村巷白夜色歸暮田札
札耒耜聲飛飛來烏鳶竭茲勛力事持用窮歲年盡輸
助徭役聊就空自眠子孫日以長世世還復然

劉云無怨之怨

古道饒蒺藜縈迴古城曲蓼花被堤岸陂水寒更綠是
時收穫竟落日多樵牧風高榆柳疎霜重梨棗熟行人
迷去住野鳥競棲宿田翁笑相念昏黑慎原陸今年幸
少豐無厭饘與粥

籬落隔煙火農談四鄰夕
庭際秋蟲鳴疎麻方寂歷
蠶絲盡輸稅機杵空倚壁
里胥夜經過雞黍事筵席
各言官長峻文字多督責
東鄉後租期車轂陷泥澤
公門少推恕鞭扑恣狼籍
努力慎經營肌膚真可惜
迎新在此歲唯恐踵前跡

晨詣超師院讀禪經

詩眼云一段至誠潔淨之意參然在前本由立意遣

詞曲盡其妙熟毫髮遺恨耳

汲井漱寒齒清心拂塵服
閒持貝葉書步出東齋讀
真

源了無取妄跡世所逐遺言真可冥繕性何由熟

詩眼云真

妄以喻佛理言行以盡

薰修此外亦無詞矣

道人庭宇靜苔色連深竹日出

霧露餘青松如膏沐

詩眼云此語能傳造化之妙

澹然離言說悟悅

心自足

詩眼云蓋言因指而見月遺經而得道於是終焉劉云妙處言不可盡然去淵明尚遠是唐

詩中轉

換耳

初秋夜坐贈吳武陵

武陵乃永州流人

稍稍雨侵竹翻翻鵲驚叢美人隔湘浦一夕生秋風積霧窗難極滄波浩無窮相思豈云遠即席莫與同若人

抱奇音朱絃絀枯桐清商激西顥汎灩淩長空自得本
無作天成諒非功希聲闕太朴輦俗何由聰

零陵贈李卿元侍御簡吳武陵

李深源元
克己也

理世固輕士棄捐湘之湄陽光競四溟敲石安所施鍛
羽集枯幹低昂互鳴悲朔雲吐風寒寂歷窮秋時君子
尚容與小人守兢危慘淒日相視離憂坐自滋尊酒聊
可酌放歌諒徒為惜無協律者窈眇絃吾詩

南磧中題

東坡云柳儀曹南磧詩憂中有樂蓋
絕妙古今矣
筆墨閑錄云南磧詩

平淡有天工在與崔策登
西山詩同工語奇故也

秋氣集南碕獨遊亭午時

劉云子厚每詩起語
如法更清峭奇整

迴風一

蕭瑟林影久參差始至若有得稍深遂忘疲

劉云精神
在此十字

遂覺一篇
蒼然

羈禽響幽谷寒藻舞淪漪去國魂已遠懷人淚

空垂孤生易為感失路少所宜索寞竟何事徘徊祇自

知誰為後來者當與此心期

劉云結得平
淡味不可言

飲酒

今旦少愉樂起坐開清尊舉觴酌先酒

先酒始
為酒者遺我驅

憂煩須臾心自殊頓覺天地喧連山變幽晦綠水涵晏
溫鵲鵲南郭門樹木亦何繁清陰可自庇竟夕聞佳言
盡醉無復辭偃卧有芳蓀彼哉晉楚富此道未必存

筆墨

閑錄云絕
似淵明

首春逢耕者

南楚春候早餘寒已滋榮土膏釋原野百蟄競所營綴
景未及郊穡人先耦耕園林幽鳥嘯渚澤新泉清農事
誠素務羈囚阻平生故池想蕪沒遺畝當榛荆慕隱既

有繫圖功遂無成聊從田父言款曲陳此情眷然撫耒
耜迴首煙雲橫

湘口館瀟湘二水所會

九疑濬傾奔臨源委縈迴會合屬空曠泓澄停風雷高
館軒霞表危樓凌山隈茲辰始澄霽纖雲盡褰開天秋
日正中水碧無塵埃窅窅漁父吟呌呌羈鴻哀境勝豈
不豫慮分固難裁升高欲自舒彌使遠念來歸流駛且
廣汎舟絕汭洄

詠三良

束帶值明后顧盼流輝光一心在陳力鼎列夸四方款
款效忠信恩義皎如霜生時亮同體死沒寧分張壯軀
閉幽隧猛志填黃壤殉死禮所非況乃用其良霸基弊
不振晉楚更張皇疾病命固亂魏氏言有章從邪陷厥
父吾欲討彼狂

覺衰

久知老將至不謂便見侵今年宜未衰稍已來相尋

劉云

跌怨

動人齒疎髮就種奔走力不任咄此可奈何未必傷我

心彭聃安在哉周孔亦已沈古稱壽聖人曾不留至今

但願得美酒朋友常共斟

劉云其最近
陶然意尤佳

是時春向暮桃

李生繁陰日照天正碧杳杳歸鴻吟出門呼所親扶杖

登西林高歌足自快商頌有遺音

劉云怨之又怨而疑
於達莊子曰曳蹠而

歌商頌聲滿天
地若出金石

與崔策登西山

崔字
子符

鶴鳴楚山靜露白秋江曉連袂度危橋縈迴出林杪

劉云

參差隱約可盡而不盡
西岑極遠目毫末皆可了重疊九疑高微

茫洞庭小迥窮兩儀際高出萬象表馳景汎顏波遙風
遞寒篠謫居安所習稍厭從紛擾生同胥靡遺壽等彭
鏗天蹇連困顛踣愚蒙怯幽渺非令親愛疎誰使心神
悄偶茲遁山水得以觀魚鳥吾子幸淹留緩我愁腸繞

劉云南澗落句猶有以
自遣此懷似此殊可念

遊石角過小嶺至長烏村

在永
州作

志適不期貴道存豈偷生久忘上封事復笑升天行竄

逐宦湘浦搖心劇懸旌始驚陷世議終欲逃天刑歲月
殺憂懷慵疎寡將迎追遊疑所愛且復舒吾情石角恣
幽步長鳥遂遐征磴迴茂樹斷景晏寒川明曠望少行
人時聞田鶴鳴風篁冒水遠霜稻侵山平稍與人事間
益知身世輕為農信可樂居寵真虛榮喬木餘故園願
言果丹誠四肢反田畝釋志東臯耕

讀書

幽沈謝世事俛默窺唐虞上下觀古今起伏千萬途遇

欣或自笑感戚亦以吁縹帙各舒散前後互相逾瘴痾
擾靈府日與往昔殊臨文乍了了徹卷兀若無竟夕誰
與言但與竹素俱倦極更倒卧熟寐乃一蘇欠伸展肢
體吟咏心自愉得意適其適非願為世儒道盡即閉口
蕭散捐囚拘巧者為我拙知者為我愚書史足自悅安
用勒與勗貴爾六尺軀勿為名所驅

掩役夫張進骸

詩眼云子厚掩張進骸一篇既盡役夫之事又反復自明其意

劉云學陶不如此篇逼近亦事題偶足以發爾故知理貴自然

生死悠悠爾一氣聚散之偶來紛喜怒奄忽已復辭為
役孰賤辱為貴非神奇一朝續息定枯朽無妍媸生時
勤皂櫪剗秣不告疲既死給轆轤塋之東山基奈何值
崩湍蕩折臨路垂髀然暴百骸散亂不復支從者辛告
予睠之潛然悲猫虎獲迎祭犬馬有益惟佇立唁爾魂
豈復識此為畚鍤載埋瘞溝瀆護其危我心得所安不
謂爾有知掩骼著春令茲焉適其時及物非吾輩聊且
顧爾私

詠荆軻

燕秦不兩立太子已為虞千金奉短計
匕首荆卿趨窮年徇所欲兵勢且見屠
微言激幽憤怒目辭燕都朔風動易水
揮爵前長驅函首致宿怨獻田開版圖
炯然耀電光掌握罔正夫造端何其銳
臨事竟趨趨長虹吐白日倉卒反受誅
按劍赫憑怒風雷助號呼慈父斷子首
狂走無容軀夷城焚七族臺觀皆焚污
始期憂患弭卒動災禍樞秦皇本詐力
事與桓公殊奈何效曹子實謂

勇且愚世傳故多謬太史徵無且

結得此事輕有體太史公曰世言荊軻

主非也始公孫季功董生與夏無且遊其事為余道之如是西清詩話柳子厚詩雄淡迥拔流俗至味自高直

揖陶謝然

似太嚴



唐詩品彙卷十五

欽定四庫全書

集部
唐詩品彙卷十六
七

詳校官檢討臣德生

助教臣常循覆勘

總校官進士臣朱銓

校對官編修臣勵守謙

謄錄監生臣慙意誠

欽定四庫全書

唐詩品彙卷十六

明 高棅 編

五言古詩

羽翼 上

崔顥

唐殷璠云顥年少為詩名陷輕薄晚節忽變常
調風骨淒然一覩塞垣說盡戎旅可與鮑照並

駕

也

古游俠

呈軍中諸將

少年負膽氣好勇復知機
仗劍出門去孤城逢合圍
殺人遼水上走馬漁陽歸
錯落金鎖甲蒙茸貂鼠衣
還家且行獵弓矢速如飛
地迴鷹犬疾草深狐兔肥
腰間帶兩綬轉盼生光輝
顧謂今日戰何如隋建威

雜詩

可憐青銅鏡掛在白玉堂
堂中有美女嬌弄明月光
羅袖拂金鵲綵屏點紅粧
粧罷含情坐春風桃李香

入若耶溪

輕舟去何疾，已到雲林境。
起坐魚鳥間，動搖山水影。
巖中響自答，溪裏言彌靜。
事事令人幽，停橈向餘景。

贈輕車

悠悠遠行歸，經春涉長道。
幽冀桑始青，洛陽蠶欲老。
憶昨戎馬地，別時心草草。
烽火從北來，邊城閉常早。
平生少相遇，未得展懷抱。
今日杯酒間，見君交情好。

遊天竺寺

晨登天竺山山殿朝陽曉
厓泉爭噴薄江岫相縈繞
直上孤頂高平看衆山小
南州十二月地煖冰雪少
蒼翠滿寒山藤蘿覆冬沼
花龕瀑布側青碧石林杪
鳴鐘集人天施飯聚猿鳥
洗意歸清淨澄心悟空了
始知世上人萬物一何擾

贈王威古

三十羽林將出身常事邊
春風吹淺草獵騎何翩翩
插羽兩相顧鳴弓上新弦
射麋入深谷飲馬投荒泉
馬上

共傾酒野中聊割鮮相看未及飲
雜虜寇幽燕烽火去
不息胡山高際天長驅救東北
戰解城亦全報國行赴
難古來皆共然

定襄郡獄

我在河東時使往定襄里定襄諸小兒爭訟紛城市長
老莫敢言太守不能理謗書隱几案文墨相填委牽引
肆中翁追呼田家子我來折此獄師聽一作聽辨疑似小
大必以情未嘗施鞭箠是時三月暮遍野農桑起里巷

鳴春鳩田園引流水此鄉多雜俗戎夏殊音旨顧問邊
塞人勞情曷云已

陶翰

殷璠云歷代人詩筆雙美者鮮矣今陶生實謂
兼之既多興象復備風骨三百年前方可論其
體裁也

古塞下曲

進軍飛狐北窮寇勢將變日落塵沙昏背河更一戰
駢馬黃金勒彫弓白羽箭射殺左賢王歸奏未央殿
欲言

塞下事天子不召見東出咸陽門
哀哀淚如霰

燕歌行

請君留楚調聽我吟燕歌家在遼水頭
邊風意氣多出身為漢將正值戎未和
雪中凌天山水上度交河大小百餘戰
封侯竟蹉跎歸來灞陵下故舊無相過
雄劍委塵匣空門惟雀羅

劉云可感

玉簪還趙姝
瑟付齊娥
昔日

不為樂時哉
今奈何

經殺子谷

扶蘇秦帝子舉代稱其賢百萬猶在握可爭天下權束
身就一劍壯志皆棄捐塞下有遺跡千齡人共傳疎蕪
盡荒草寂歷空寒煙到此盡垂淚非我獨潜然

早過臨淮

夜來三渚風晨過臨淮島潮中海氣白城上楚雲早鱗
鱗漁浦帆潏潏蘆州草川路日浩蕩愁焉心如擣且言
任倚伏何暇念枯槁范子名屢移蘧公志常抱古人已
云去此理今難道

望太華贈盧司倉

作吏到西華乃觀三峯壯削成元氣中傑出天漢上如
有飛動色不知青冥狀巨靈安在哉厥跡猶可望方此
顧行旅未由飭仙裝葱朧記星壇明滅數雲障良友隨
真契宿心所微尚敢投歸山吟霞徑一相訪

晚出伊闕寄江南裴丞

退無宴息資進無當代策冉冉時將暮坐為周南客前
登闕塞門水眺伊城陌長川黯已暮千里寒氣白家本

渭水西異日何所適秉志師禽尚微言祖莊易一辭林
壑間共繫風塵役才名忽先進天邑多紛劇豈念嘉遁
時依依偶沮溺

宿天竺寺

松栢亂巖口山西微徑通天開一峯見宮闕生虛空正
殿倚霞壁千樓標石叢夜來猿鳥靜鐘梵寒雲中岑翠
映湖月泉聲亂谿風心超諸境外了與懸解同明發氣
侯改起視長崖東湖色濃蕩漾海光漸瞳朦葛仙跡尚

在許氏道猶崇獨往古來事幽懷期二公

出蕭關懷古

驅馬擊長劍行役至蕭關悠悠五原上永眺關河前北
虜三十萬此中常控弦秦城亘宇宙漢帝理旌旃刁斗
鳴不息羽書日夜傳五軍計莫就三策議空全大漠橫
萬里蕭條絕人煙孤城當瀚海落日照祈連愴然苦寒
秦懷哉式微篇更悲秦樓月夜夜出胡天

贈鄭員外

欽定四庫全書

唐詩品
卷十六

驄馬拂繡裳按兵遼水陽西分雁門騎北逐樓煩王聞
道五軍集相邀百戰場風沙暗天起虜陳森已行儒服
揖諸將雄謀吞八荒金門來見謁朱紱生輝光數載侍
御史稍遷尚書郎人生志氣立所貴功業昌何必守章
句終年事蒼黃同時獻賦客尚在東陵傍

贈房侍御

時房公
在新安

志人固不羈與道常周旋進則天下仰已之能晏然被褐
東府召執簡南臺先雄義每特立犯顏豈圖全謫居東

南遠逸氣吟芳荃適會寥廓趣清波更賁緣偏舟入五
湖發纜洞庭前浩蕩臨海曲迢遞濟江篇徵奇忽忘返
遇興將彌年乃悟范生知足明漁父賢郡臨新安渚佳
氣此城偏日夕對層岫雲霞映晴川閒居戀秋色偃卧
含貞堅倚伏自相化行藏亦推遷君其振羽翮歲晏將
沖天

劉春虛

殷璠曰春虛詩情幽興遠思苦語奇忽有所得
便驚衆作頃東南高唱者數人然聲律宛然無

欽定四庫全書

卷十六

出其右唯氣骨不逮諸公自永明已還可傑立
江表至如松色照空水經聲時有人滄溟千萬
里日夜一孤舟歸夢如春水悠悠遶故鄉駐馬
渡江處望鄉侍歸舟道由白雲盡春與清溪長
時有落花至遠隨流水香開門向溪路深柳讀
書堂幽映每白日清輝照衣裳並方外之言惜
其不永天
碎國寶

江南曲

美人何蕩漾湖上風日長玉手欲有贈裴徊雙明璫歌
聲隨綠水怨氣起清揚日暮還家望雲波橫洞房

九日送人

海上正搖落客中還別離同舟去未已遠送新相知流
水意何極滿尊徒爾為從來菊花節早已醉東籬

寄江滔求孟六遺文

南望襄陽路思君情轉親偏知漢水廣應與孟家鄰在
日貧為善昨來聞更貧相如有遺草一為問家人

送東林廉上人還廬山

此詩見王
昌齡集

石溪流已亂苔徑入漸微日暮東林下山僧還獨歸常
為廬峰意沉與遠公違道性深寂寞世情多是非曾尋名

山去豈復無清機

暮秋楊子江寄孟浩然

木葉紛紛下東南日煙霜林山相晚暮天海空青蒼暝
色況復久秋聲亦何長孤舟兼微月獨夜仍越鄉寒笛
對京口故人在襄陽咏思勞今夕江漢遙相望

潯陽陶氏別業

陶家習先隱種柳長江邊朝夕潯陽郭白衣來幾年霽
雲明孤嶺秋水澄寒天物象自清曠野荷何綿聯蕭蕭

丘中賞明宰非徒然願守黍稷稅歸耕東山田

登廬山峯頂寺

孤峯臨萬象秋氣何高清庭際南郡出林端西江明山
門二繩叟振錫聞幽聲心照有無界葉懸前後生徒知
真機靜尚與愛網并方首金門路未遑參道情

尋東谿還湖中作

出山更迴首日暮清谿深東嶺新別處數猿叫空林昔
遊初有跡此路還獨尋幽興方在往歸懷復為吟雲峯

勞前意湖水成遠心望望已超越坐鳴舟中琴

送韓平兼寄郭微

上客夜相過小童能沽酒即為臨水處正值雁歸後前路望鄉山近家見門柳到時春未暮風景自應有余憶東州人經年別來久殷勤為傳語日夕念攜手兼問前寄書書中復達否

寄闔防

防時在終南
豐德寺讀書

青冥南山口君與緇錫鄰深路入古寺亂花隨暮春紛

紛對寂寞往往落衣巾松色照空水經聲時有人晚心
復南望山遠情獨親應以修往業亦惟立此身深林度
空夜煙月資清真莫歎文明日彌年徒隱淪

海上詩送薛文學歸海東

何處歸且遠送君東悠悠滄溟千萬里日夜一孤舟曠
望絕國所微茫天際愁有時近仙境不定若夢遊或見
青色古孤山百里秋前心方杳渺後路勞夷猶離別惜
吾道風波敬皇休春浮花氣遠思逐海水流日暮驪歌

後永懷空滄洲

薛據

殷璠云據為人骨鯁有氣魄其文亦爾自傷不早達因著古興詩云投珠恐見疑抱玉但垂泣道在君不舉功成歎何及怨憤頗深至如寒風吹長林白日原上沒又孟冬時短晷日盡西南大可謂曠代之佳句

懷哉行

明時無廢人廣廈無棄材良工不我顧有用寧自媒劉

英氣拂拂懷策望君門歲晏空遲回秦城多車馬日夕飛塵

埃伐鼓千門啓鳴珂雙闕來我聞雷雨施天澤罔不該
何意斯人徒棄之如死灰主好臣必効時禁權不開俗
流竇驕矜得志輕草萊

劉云可歎

文王賴多士漢帝資羣才

一言並拜將片善咸居台夫君何不遇為泣黃金臺

冬夜寓居寄儲太祝

自為洛陽客夫子吾知音愛義能下士時人無此心奈
何離居夜巢鳥飛空林愁坐至月上復聞南隣砧

出青門往南山別業

舊居在南山夙駕自伊闕榛莽相蔽虧去爾漸超忽散
漫餘雪晴蒼茫季冬月寒風吹長林白日原上沒懷抱
曠莫仲相知阻胡越弱年好栖隱鍊藥在巖壑及此離
垢紛興來亦因物末路期赤松斯言庶不伐

登秦望山

南登秦望山極目大海空朝陽半蕩漾晃朗天水紅谿
壑爭噴薄江湖遞交通而多漁商客不悟歲月窮振鐸
迎早潮弭棹候長風余本萍泛者乘流任西東茫茫天

際帆棲泊何時同將尋會稽跡從此訪任公

古興

日中望仙闕軒蓋揚飛塵鳴珂初罷朝自言皆近臣光
華滿道路意氣安可親歸來宴高堂廣筵羅八珍僕妾
盡紉綺歌舞夜達晨四時固相代誰能久要津已看覆
前車未見易後輪丈夫須兼濟豈能樂一身君今皆得
志肯顧憔悴人

初去郡齋書情

肅徒辭汝潁懷古獨淒然尚想文王化猶思巢父賢時
移多讒巧大道竟誰傳況見疾風起悠悠旌旆懸征鴻
無返翼歸流不停川已經霜雪下仍驗松栢堅回首望
城邑迢迢間雲煙志士不傷物小人皆自妍感時唯責
己在道非怨天從此適樂土東歸得幾年

西陵口觀海

長江漫湯湯近海勢彌廣在昔坯渾赧融為百川決地
形失端倪天色潛混濛東南際萬里極目遠無象山影

乍浮沈潮波忽來往孤帆或不見棹歌猶響像日暮長
風起客心空振蕩浦口霞未收潭心月初上林嶼幾遭
迴亭臯時偃仰歲晏訪蓬瀛真遊非外獎

泊震澤口

日落草木陰舟徒泊江汜蒼茫萬象開合沓聞風水洄
沿值漁翁噉嘯嘯逢樵子雲開天宇靜月明照萬里早雁
湖上飛晨鐘海邊起獨坐嗟遠遊登岸望孤洲零落星
欲盡腫臃氣漸收行藏空自秉智識仍未周伍胥既伏

劍范蠡亦乘流歌竟鼓楫去三江多客愁

崔曙

殷璠云曙詩多歎詞要妙情意悲涼送別登樓俱堪下淚

山下晚晴

寥寥遠天靜谿路何空朦斜光照疎雨秋氣生白虹雲
盡山色暝蕭條西北風故林歸宿處一葉下梧桐

潁陽東谿懷古

靈谿氛霧歇皎鏡清心顏空色不映水秋聲多在山世

人久疎曠萬物皆自閒
白鷗寒更浴孤雲晴未還
昔時讓王者此地閉玄關
無以躡高步淒涼岑壑間

送薛據之宋州

無媒嗟失路有道亦乘流
客處不堪別異鄉應共愁
我生早孤賤淪落居此州
風土至今憶山河皆昔遊
一從文章士兩京春復秋
君去問相識幾人今白頭

早發交崖山還太室作

東林氣微白寒鳥急高翔
吾亦自茲去北山歸草堂
杪

冬正三五日月遙相望肅肅過潁上
朧朧辨少陽川冰生積雪野火出枯
桑獨往路難盡窮陰人易傷傷此無
衣客如何蒙雨霜

登水門樓見亡友張真期題望黃河作因以感興

吾友東南美昔聞登此樓人隨川上去書向壁中留嚴
子好貞隱謝公耽遠遊清風初作頌暇日復消憂時與
交友古迹將山川幽已孤蒼生望坐見黃河流落年

將晚悲涼物已秋天高不可問掩泣赴行舟

宿大通和尚塔敬贈如屠黎廣心長孫錡二山

人英華作宿大和尚塔贈如
上人兼呈常孫二山人

支公已寂滅塔影山上古更有真僧來道場救諸苦一
承微妙法寓宿清淨土身心能自觀色相了無取森森
松映月漠漠雲近戶嶺外飛電明夜來前山雨燃燈見
棲鴿作禮聞信鼓曉霽南軒開秋華淨天宇願言長出
世謝爾及申甫

李嶷

殷璠云嶷詩鮮淨有規矩其少年行
三首詞雖不多翩翩然逸意在目也

少年行三首

十八羽林郎戎衣事漢王
臂鷹金殿側挾彈玉輿傍
馳道春風起陪遊出建章

侍獵長楊下承恩更射飛塵生
馬影滅箭落雁行稀薄
霧隨天下聯翩入鎖闥

玉劒膝邊橫金盃馬上傾
朝遊茂陵道夜宿鳳凰城
豪

吏多猜忌毋勞問姓名

林園秋夜作

林卧避殘暑白雲長在天賞心既如此對酒非徒然月
色徧秋露竹聲兼夜泉涼風懷袖裏茲意與誰傳

淮南秋夜呈同僚

天淨河漢高夜聞砧杵發清秋忽如此離恨應難歇風
亂池上萍露光竹間月與君共遊處勿作他鄉別

綦母潛

欽定四庫全書

卷十六

殷璠云潛詩屹崿峭嶺善寫方外之情至如松
覆山殿冷不可多得又塔影挂清漢鐘聲和白
雲歷代未有荆南分野
數百年來獨秀斯人

題招隱寺綯公房

開士度人久空巖花霧深徒知燕坐處不見有為心
蘭若門對壑田家路隔林還言澄法性歸去比黃金

宿太平觀

夕到玉京寢宵冥雲漢低魂交仙室蝶曙聽羽人雞
滴澁花上露清冷松下谿明當訪真隱揮手入無倪

春泛若耶

幽意無斷絕此去隨所偶
晚風吹行舟花落入谿口
際夜轉西壑隔山望南斗
潭煙飛溶溶林月低向後
生事且瀾漫願為持竿叟

題鶴林寺

道門隱形勝向背臨層霄
松覆山殿冷花藏谿路遙
珊珊寶幡掛焰焰明燈燒
遲日半空谷春風連上潮
少憑水木興暫忝身心調
願謝攜手客茲山禪誦饒

題棲霞寺

南山勢迴合靈境依此住殿轉雲崖陰僧探石泉度龍
蛇爭翕習神意皆密護萬壑奔道場羣峯向雙樹天花
飛不着水月白成路今日觀身我歸心復何處

王灣

殷璠云灣詞翰早著為天下所稱最者不過一
二遊吳中作如臨衣篇云月華照杵空隨妾風
響傳砧不到君所有衆製咸類若
斯非張蔡之未見覺顏謝之遠乎

晚夏馬嵬卿叔池亭即事寄京都一二知己

忝職畿甸淹濫陪時俊後才輕策疲劣勢薄常驅走牽
役勞風塵秉心在巖藪宗賢開別業形勝代希偶竹繞
清渭濱泉流白渠口逡巡期賞會揮忽變星斗逮此衆
務閒因而訪幽叟入來殊景物行得洗紛垢林靜秋色
多潭深月光厚盛香蓮近折新味瓜初剖滯拙懷隱淪
書之寄良友

奉使登終南山

常愛南山遊因而盡原隰數朝至林嶺百仞登嵬岌石

狀馬經窮苔色步緣入物奇春貌改氣遠天香集虛洞
策杖鳴低雲拂衣濕倚巖見廬舍入戶欣拜揖問姓矜
勤勞示心教澄習玉英時共飯芝草為余拾境絕人不
行潭深鳥空立一乘從此授九轉兼是給辭處若轉飛
憇來惟吐吸開襟超已勝迴路忽而及煙色松上深水
流山下急漸平逢車騎向晚睨城邑峯在野趣繁塵飄
宦情澁辛苦久為吏榮進何妄執日暮懷此山悠然賦
新什

崔國輔

殷璠云國輔詩婉孌清楚深宜
諷咏樂府數章古人不及也

雜詩

逢着平樂兒論交鞍馬前興酣一斗酒恰用十千錢後
余在關內作事多迤邐何肯相救援徒聞寶劍篇

從軍行

塞北胡霜下營州索兵救夜偷道行將軍馬亦瘦刀
光照塞月陣色明如晝傳聞賊滿山已共前鋒鬪

題豫章館

楊柳映春江江南轉佳麗
吳門綠波裏越國青山際
遊宦常往來津亭暫臨憩
驛前蒼石沒浦外湖沙細
向晚宴且久孤舟同然逝
雲留西北客氣歇東南帝
獨有萋萋心誰知怨芳歲

石頭瀨作

悵矣秋風時余臨石頭瀨
日高見超遠望盡此州內
羽山數點青海岸雜光碎
離離樹木少淅淅波潮大
日暮

千里帆南飛落天外須臾遂入夜楚色有微靄尋遠跡
已窮遺榮事多昧一身猶未理安得濟當代且泛朝夕
潮荷衣蕙為帶

漂母岸

泗水入淮處南邊古岸存秦時有漂母於此飯王孫王
孫初未遇寄食何足論後為淮陰侯誓欲答母恩事跡
遺在此空傷千載魂茫茫水中渚上有一孤墩遙望不
可到蒼蒼烟樹昏幾年崩塚色每日落潮痕古地多陁

地時哉不敢言向夕淚沾裳只宿蘆洲村

張謂

送僧

童子學修道誦經求出家手持貝多葉心念優曇花得
度北州近隨緣東路賒一身求清淨百毳納袈裟鐘嶺
更飛錫爐峯期結跏深心大海水廣願恒河沙此去不
堪別彼行安可涯殷勤結香火來世上牛車

讀後漢逸人傳二首

子陵沒已久讀史思其賢誰謂潁陽人千秋如比肩嘗
聞漢光武曾是曠周旋名位苟無心對君猶可眠東過
富春渚樂此佳山川夜卧松下月朝看江上煙釣時如
有待釣罷應忘筌生事在林壑悠悠經暮年于今七里
灘遺跡尚依然高臺竟寂寞流水空潺湲

龐公南郡人家在襄陽里何處偏來往襄陽東坡是誓
將萊田種終得保妻子何言二千石乃欲勸吾仕鸛鵲
巢茂林龜鼉穴深水萬物從所欲吾心亦如此不見鹿

欽定四庫全書

卷十六

門山朝朝白雲起采藥復采樵優游終莫齒

同孫構免官後登薊樓

昔在五陵時年少心亦壯常矜有奇骨必是封侯相東
走到營州投身事邊將一朝去鄉國十載復亭障部曲
皆武夫功成不相讓猶希虜塵動更取林胡帳去年太
將軍忽召樂生謗北別傷士卒南遷死炎瘴落塞悲無
成行登薊丘上長安三千里日夕西南望寒沙榆塞沒
秋水灤河漲策馬從此辭雲山保閒放

盧象

殷璠云象雅而平素有大體得國士之風曩在校書名充秘閣其曰吳越山最秀新安江更清

盡東南
之數郡

家叔徵君東谿草堂二首

闕山十餘里青壁森相倚欲識堯時天東谿白雲是雷
聲轉幽壑雲氣香流水澗影生龍蛇巖端翳檉梓大道
終不易君恩曷能已鶴羨無時老龜言攝生理浮年笑
六甲元化潛一指未暇掃雲梯空慙阮家子

今朝共遊者得性閒未歸已到仙人家莫驚鷗鳥飛水
深巖子釣松掛巢父衣雲氣轉幽寂谿流無是非名理
未足羨腥臊詎所希自惟負貞意何歲當食薇

贈程秘書

客自岐陽來吐音若鳴鳳孤飛畏不偶獨立誰見用忽
從被褐中召入承明宮聖人借顏色言事無不通殷勤
拯黎庶感激論諸公將相猜賈誼圖書歸馮融顧今久
寂寞一歲麒麟閣且共歌太平勿嗟名宦薄

送綦母潛

夫君不得意，本自滄海來。高足未云騁，虛舟空復迴。
淮南楓葉落，灞岸桃花開。出處暫為間，浮沈安繫哉？
如何天覆物，還遣世遺才？欲識秦將漢，嘗聞王與裴。
離筵對寒食，別雨乘春雷。會有辟書至，荷衣莫謾裁。

鄉試後自鞏還田家鄰友見過之作

鷄鳴出東邑，馬倦登南巒。落日見桑柘，翳然丘中寒。
鄰家多舊識，投暝來相看。且問春稅苦，兼陳行路難。
園場

近陰壑草木易凋殘峯晴雪猶積澗深冰已團團浮名知
何用歲晏不成歡置酒共君飲當歌聊自寬

祖咏

殷璠云咏詩剪刻省靜用思尤苦氣雖不高調
頗凌俗至如霽日園林好清明烟火新亦可稱
才子也咏有歸汝墳莊別盧象云濕麻入南
澗川楚向東菑對酒難黍熟閉門風雪時又度
淮河寄武平一云天色混波濤岸
陰匝林墅等句見僧皎然詩式

夕次圃田居

前路入鄭郊尚經百餘里馬煩時欲歇客歸程未已劉

景情
自然

落日桑柘陰遙林煙火起西還不遑宿中夜渡京

水

田家即事

舊居東臯上左右俯荒村樵路前傍嶺田家遙對門歡
娛始披拂愜意在郊原餘霽蕩川霧新秋仍晝昏攀條
憩林麓引水開泉源稼穡豈云倦桑麻今正煩方求靜
者賞偶與潛夫言雞黍何必具吾心知道尊

古意

夫差日淫放舉國求妃嬪自謂得王寵代間無美人碧
蘿象天閣坐輦乘芳春宮女數千騎常遊江水濱年深
玉顏老時薄花粧新拭淚下金殿嬌多不顧身生前妬
歌舞死後同灰塵塚墓令人哀哀於銅雀臺

王季友

殷璠云季友詩愛奇務險遠出常情之外然而白首短褐良可悲夫

別李季友

棲鳥不戀枝喈喈在同聲行子馳出戶依依主人情昔

時霜臺鏡醜婦羞爾形閉匣二十年皎潔猶常明今日
照離別前途白髮生

雜詩

采山仍采隱在木不在深持斧事遠遊固非匠者心翳
翳青桐枝樵爨日所侵斧聲出巖壑四聽無知音豈為
鼎下薪當復堂上琴鳳鳥久不棲且與枳棘林

山中贈十四秘書兄

出山秘芸署山色已再春食我山中藥不憶山中人山

欽定四庫全書

卷十六

中誰余密白髮日相親雀鼠晝夜無知我厨廩貧有情
盡捐棄土石為周身依依舍北松不厭吾南鄰夫子質
千尋天澤枝葉新余以不材壽非智免斧斤

滑中贈顧高士瓘

英華作
崔高士

夫子保藥命外身得無咎日月不能老化腸為筋不十
年前見君甲子過我壽于何今相逢華髮在我後近而
知其遠少見今白首遙信蓬萊宮不死世世有玄石米
盈襜神方秘其肘問家唯指雲愛氣常言酒攝生固如

此履道當不朽未能太玄同願亦天地久實腹以芝朮
賤形仍芻狗自勉將勉余良藥在苦口

賀蘭進明

殷璠云好古博遠經籍滿腹其所著述一百餘
篇頗究天人之際又古詩十八首大體附于阮
公

古意二首

崇蘭生澗底香氣滿幽林
采采欲為贈何人是同心
日暮徒盈把裴徊幽思深
慨然紉雜佩重奏丘中琴

秦庭初指鹿羣盜滿山東忤意皆誅死所言誰肯忠武
關猶未啟兵入望夷宮為崇非涇水人君道自窮

閻防

殷璠云防為人好名博雅其警策語多真素至
如荒庭何所有老樹半空腹又熊踞庭中樹龍
蒸棟裏雲皎然可信也

宿岸道人精舍

早歲參道風放情入寥廓重經因息侶遂果巖下諾斂
迹辭人間杜門守寂寞秋風剪蘭蕙霜氣冷淙壑山牖

見燃燈竹臼聞搗藥願言捨塵事所趣非龍蠶

秋晚石門禮拜

輕策凌絕壁招提謁金仙舟車無遊徑崖崙乃屬天躑
躑淹晨景夷猶望新弦石門變暝色谷口生人煙陽雁
噉平楚秋風急寒川馳輝苦代謝浮脆暫貞堅永欲卧
丘壑息心依梵筵誓將歷劫願無以物外牽

百丈谿新理茆茨讀書

浪迹棄人世還山自幽獨始傍巢由蹤吾其獲心曲荒

庭何所有老樹半空腹秋蛸鳴北林暮鳥穿我屋棲遲
樂遵渚恬曠寡所欲開卦推盈虛散帙攻節目養閒度
人事達命知止足不學東國儒俟時勞伐輻

夕次鹿門山

龐公嘉遁所浪迹難追攀浮舟暝始至抱杖聊自閒雙
闕開鹿門百谷集珠灣噴薄湍上水春容漂裊山進原
不足險梁壑未成艱我行自春仲夏鳥忽綿蠻蕙草色
已晚客心殊倦還遠遊非避地訪道愛童顏安能循機

巧爭奪錐刀間

唐詩品彙卷十六

欽定四庫全書

唐詩品彙卷十七

明 高棟 編

五言古詩

羽翼

下

蕭華

侍從迴鑾應制

粵在秦京日議乎封禪難豈知陶唐主道濟蒼生安惟

彼烈祖事增脩實榮觀聲名朝萬國玉帛禮三壇纂聖
德重光建元功載刊仍開舊馳道不記昔迴鑾羽衛搖
晴日弓戈生早寒猶思檢玉處却望白雲端

崔宗之

贈李十二

涼風八九月白露空園亭耿耿意不暢稍稍風葉聲思
見雄俊士共談今古情李侯忽來儀把袂苦不早清論
既抵掌玄談又絕倒分明楚漢事歷歷王霸道擔囊無

俗物訪友千里餘袖有七首劍懷中茂陵書雙眸光照
人詞賦凌子虛酌酒弦素琴霜氣正凝潔平生心中事
今日為君說我家有別業寄在嵩之陽明月出高岑清
溪貞素光雲散牕戶靜風吹松桂香子若同斯遊千載
不相忘

魏萬

金陵酬李翰林謫仙子

君抱碧海珠我懷藍田玉各稱希代寶萬里遙相燭長

卿慕蘭久子猷意已深平生風雲人暗合江海心去秋

忽乘興命駕來東土謫仙遊梁園愛子在鄒魯二處一

不見拂衣向江東五兩挂海月扁舟隨長風南遊吳越

徧高揖二千石雪上天台山春逢翰林伯

按李詩云回
繞楚江濱

策楊子津身著日本裘昂藏出風塵五
月造我語知非俗人與此春逢不同

宣父敬項橐林

宗重黃生一長復一少相看如弟兄惕然意不盡更逐

西南去同舟入秦淮建業龍盤處楚歌對吳酒借問承

恩初宮買長門賦天迎駟馬車才高世難容道廢可推

命安石重攜妓子房空謝病金陵百萬戶六代帝王都
虎石據西江鍾山臨北湖二山信為美王屋人相代應
為岐路多不知歲寒在君遊早晚還勿久風塵間此別
未遠別秋期列仙山

張潮

江風行

胥貧如珠玉胥富如埃塵貧時不忘舊富日多寵新妾
本富家女與君為偶匹惠好亦何深中門不曾出妾有

繡衣裳葳蕤金縷光念君貧且賤易此從遠方遠方三
千里思君心未已日暮情更來空望去時水孟夏夢始
秀江上多南風商賈歸欲盡君今向巴東巴東有巫山
窈窕神女顏常恐遊此方果然不知還

裴迪

青龍寺曇壁上人院集

靈境信為絕法堂出塵氛自然成高致向下看浮雲迤
邐峯岫列參差間井分林端遠堞見風末疎鐘聞吾師

久禪寂在世超人羣

丘為

題農父廬舍

東風何處至已綠湖上山湖上春已早田家日不閒溝
壑流水處未耜平蕪間薄暮飯牛後歸來還閉關

汎若耶溪

結廬若耶裏左右若耶水無日不釣魚有時向城市溪
中水流急渡口水流寬每得樵風便往來殊不難一川

草長綠回時那得辨短褐衣妻兒餘糧及雞犬日暮鳥
雀稀稚子呼牛歸住處無鄰里柴門獨掩扉

尋西山隱者不遇

絕頂一茆茨直上三十里叩關無童僕窺室唯按几若
非巾柴車應是釣秋水蹉跎不相見僂俛空仰止草色
新雨中松聲晚牕裏及茲契幽絕自足盪心耳雖無賓
主意頗得清淨理興盡方下山何必待之子

湖中寄王侍御

日日湖水上好登湖上樓終年不向郭過午始梳頭賞
亦愛杯酒得無相獻酬小童能膾鯉少妾事蓮舟每有
南海一作浦信仍期後月游方春轉搖蕩孤興時淹留驄
馬真傲吏脩然無所求晨趨玉階下心許滄江流少別
如昨日何言經數秋應知方外事獨往非悠悠

張子容

春江花月夜二首

林花發岸口氣色動江新此夜江中月流光花上春分

明石潭裏宜照浣紗人

交甫憐瑤佩仙妃難重期
沈沈綠江晚惆悵碧雲姿
初逢花上月言是弄珠時

萬楚

茱萸女

山陰柳家女九日采茱萸
復得東鄰伴雙為陌上姝
插花向高髻結子置長裾
忤性恒遲緩非關詫丈夫
平明折林樹日入返城隅
俠客邀羅袖行人挑短書
峨眉自

有主年少莫踟蹰

包融

阮公嘯臺

荒臺森荆杞蒙龍無上路傳是古人跡阮公長嘯處至
今清風來時時動林樹逝者昔已遠昇攀想遺趣靜然
荒榛間久之若有悟靈光未歇滅千載知仰慕

登翅頭山題儼公石壁

晨登翅頭山山曛黃霧起却瞻迷向背直下失城市瞰

日銜東郊朝光生邑里掃除諸煙氛照出衆樓雉青為
洞庭山白是太湖水蒼茫遠郊樹倏忽不相侶萬象以
區別森然共盈几坐令開心胸漸覺落塵滓北巖千餘
仞結廬誰家子願陪中峯遊朝暮白雲裏

蔡希寂

同家兄題渭南王公別業

好閒知在家退跡何必深不出人境外蕭條江海心軒
車自來往空名對清陰川渚將釣玉鄉亭期散金素暉

射流漱翠色綿森林曾為詩書癖寧惟耕稼任吾兄許
微尚枉道來相尋朝慶老萊服夕閑安道琴短章遙頌
美寤寐增所欽既鬱蒼生望明時豈陸沈

沈頌

早發西山

遊子空有懷賞心杳無路前程數千里乘夜連輕馭繚
繞松篠中蒼茫猶未曙遙聞孤村犬暗指人家去疲馬
懷澗泉征衣犯霜露喧呼溪鳥驚沙上或騫翥娟娟東

岑月照耀獨歸慮

末疑有闕

韋鑑

經望湖驛

大漠無屯雲孤峯出亂柳前驅白登道顧失飛狐口遙
憶代王城俯臨恒山後纍纍多古墓寂寞為墟久豈不
固金湯終聞擊銅斗交懽初仗信接燕翻貽咎埋寶賊
夫人磨笄傷彼婦功成行且薄義立名不朽莫慎纖微
端其何社稷守身殘國遂亡此亦人君醜

賈至

贈裴九侍御昌江草堂彈琴

朔風吹疎竹積雪在崖巘
鳴琴草堂響小澗清且淺
沉吟東山意欲去芳歲晚
悵望黃綺心白雲若在眼

送友人使河源

送君魯郊外下車上高丘
蕭條千里暮日落黃雲秋
舉酒有遺恨論邊無遠謀
河源望不見旌旆去悠悠

寓言二首

春草紛碧色佳人曠無期悠哉千里心欲採商山芝歎
息良會晚如何桃李時懷君晴川上佇立夏雲滋

凜凜秋閨夕綺羅早知寒玉碁調鳴杵如擣機中紈憶
昨別離日桐花覆井欄今來思君時白露盈堦溥聞有
關河信欲寄雙玉盤玉以委真心盤以薦嘉餐嗟君在
萬里使妾衣帶寬

巴陵早秋寄荊州崔司馬吏部閭功曹舍人

謫居湘水渚再見洞庭秋極目連江漢西南浸斗牛滔

涵盪雲夢淡淡搖巴丘曠如臨渤澥宵疑造瀛洲君山
麗中波蒼翠長夜浮帝子去永久楚詞尚悲愁我同長
沙行時事加百憂登高望舊國胡馬滿東周死葉遍蓬
蒿楚鄧無良疇獨攀青楓樹淚灑滄江流故人西掖寮
同邑岐陽蒐差池盡三黜蹭蹬各南州相去雖地近不
得從之遊耿耿雲陽臺迢迢王粲樓跂予暮雲裏誰謂
無輕舟

閒居秋懷寄陽翟陸贊府封丘高少府

今日霖雨霽颯然高館涼秋風吹二毛烈士如慨慷憶
昔皇運初衆賓值龍驤解巾佐幕府脫劍昇明堂郁郁
被慶雲昭昭翼太陽鯨魚縱大壑驚驚鳴高崗信矣草
創時天階速賢良一言頓遭逢片善蒙恩光我生屬盛
明感激竊自彊崎嶇郡邑權連騫翰墨場天朝富英髦
多士如珪璋盛才溢下位蹇步徒猖狂閉門對羣書几
案在我旁枕席想遠遊聊欲浮滄浪八月白露降玄蟬
號枯桑艤舟臨清川迢遞愁思長我有同懷友各在天

一方離披不相見浩蕩隔兩鄉平生霞外期宿昔共行藏
豈無蓬萊樹歲晏空蒼蒼

自蜀奉冊命往朔方途中呈韋左相文部房尚書門下崔侍郎

胡羯亂中夏鑾輿忽南巡衣冠陷戎寇狼狽隨風塵幽
公秉大節臨難不顧身激昂白刃前濺血下沾巾尚書
抱忠義歷險披荆榛扈從出劍門登翼岷江濱時望挹
侍郎公才標縉紳亭亭崑山玉皎皎無緇磷顧惟乏經

濟扞牧陪從臣永願雪會稽仗劍清咸秦太皇時內禪
神器付嗣君新命集舊邦至德被遠人捧冊自南服奉
詔趨北軍覲謁心載馳違離難重陳策馬出蜀山畏途
上緣雲飲啄叢菁間棲息虎豹羣崎嶇凌危棧惴慄驚
心神峭壁上嵌岑大江下沄沄皇風扇八極異類懷深
仁元克誘黠虜肘腋生妖氛明主信英武威聲赫殊鄰
誓師自朔方旗幟何繽紛緹騎照白日旄頭拂秋旻將
來盪滄溟寧上蹴崑崙古來有屯難否泰長相因夏康

康纘禹績代祖復漢勲于役各勤王馳驅供紫宸豈惟
太公望往昔逢周文誰謂三傑才功業獨殊倫感此慰
行邁無為歌苦辛

蕭穎士

早春過士嶺寄題硤石裴丞廳壁

出硤寄題少晚行偏憶君依然向來處官路溪邊雲茲
路豈不劇能無俗累紛槐陰永未合泉聲細猶聞彌歎
春罷酒高昇從此分登高望城入斜影半風薰

仰答韋司業二首

關西一公子年貌獨青春被褐來上京翳然聲未振中
郎何爲惜倒屣驚坐賓詞賦豈不佳盛名亦相因爲君
奏此曲此曲多苦辛千載不可誣孰謂今無人

神龜在南國緬邈湘川陰遊止蓮葉上歲時嘉樹林毒
蟲且不近斤斧何由尋錯落負奇文煒煌耀丹金江上
萬里餘淮海阻且深獨抱貞素質不爲寒暑侵一逢盛
明代應見通靈心

蒙山作

東蒙鎮海沂合沓百餘里
清秋淨氛靄崖崿隱天地
于役勞往還息徒蹙攀騎
將窮絕迹處偶得冥心理
雲氣雜虹霓松聲亂風水
微明綠林際杳窈丹洞裏
仙鳥時可聞羽人邈難視
此焉多深邃聖賢昔所秘
子尚捐俗紛李隨躡遐軌
蘊真道彌曠懷古情未已
白鹿凡幾遊黃精復奚似
顧予尚牽縈家業重書史
少學務從師壯年貴趨仕
方馳桂林譽未暇桃源美
歲暮期再尋幽哉羨

門子

李華

詠史五首

昂藏獬豸獸出自太平年亂代乃潛伏縱人爲禍愆常
聞斷馬劍每壯朱雲賢身死名不滅寒風吹墓田精靈
如有在幽憤滿松煙

漢皇修雅樂乘輿臨太學三老與五更天王親割烹一
人調風俗萬國和且平單于驟款塞武庫欲銷兵文物

此朝盛君臣何穆清至今遺壇下如有簫韶聲

巢許在嵩穎陶唐不得臣九州尚洗耳一命安能親
繇遠數千祀丘中誰隱淪朝遊公卿府夕是山林人蒲
帛揚仄陋薜蘿爲縉紳九重念入夢三事思降神且設
庭中燎寧窺泉下隣

漢時征百粵楊僕將樓船幕府功未立江湖已騷然
島夷非敢亂政暴地仍偏得罪因懷瑩防身輒控絃
將軍求裂土萬里詎聞天魏闕心猶在旗門首已縣
如何得

良吏一爲制方圓

秦滅漢帝興南山有遺老危冠揖萬乘幸得厭征討當
君逐鹿時臣等已枯槁寧知市朝變但覺林泉好高卧
三十年相看成四皓帝言翁甚善願見何不早咸稱太
子仁重義亦遵道側聞驪姬事申生不自保慙出商山
雲謁來趨灑掃東宮成羽翼楚舞傷懷抱後代無其人
戾園滿秋草

遊山寺

有龍潭穴
弄玉祠

捨事入樵逕雲木深谷口萬壑移晦明千峯轉前後崐
然龍潭上石勢若奔走開圻秋天光崩騰萬雷吼靈溪
自茲去紆直互紛糾聽聲靜復喧色望無更有冥冥翠
微下高殿映杉柳昔時秦王女羽化年代久日暮松風
來簫聲生左右早窺神仙籙願結芝朮友安得羨門方
青囊繫吾肘

顏真卿

使過瑤亭寺有懷圓寂上人

并序

真卿天寶九年尉醴泉丞過瑤亭寺圓寂上人院
秩滿遷監察御史巡覆諸陵而上人已離此寺大
曆十三年春二月以刑部尚書謁拜昭陵慨然有
懷其詞曰

上人居此寺不出三十年萬法元無著一心唯趣禪忽
紆塵外軫遠訪區中緣及爾不復見支提猶巋然

王縉

古別離

下堦欲離別相對映蘭叢含辭未及吐淚落蘭叢中高
堂靜秋日羅衣飄暮風誰能待明月迴首見牀空

奚賈

詩僧皎然者嘗稱其詩有眠澗花自落步林鳥
不飛溪谷何蕭條日入人獨行落日下平楚孤
烟生洞庭皆佳句
但不見其全篇

嚴陵灘下寄常建

日入溪水靜尋真此亦難乃知滄洲人道成仍釣竿漾
楫乘微月振衣生早寒紛吾誠獨往自速耽考槃已息

漢陰誚且同濠上觀曠然心無涯誰問容膝安

謁李尊師

萬物返常性唯道貴自然先生容其微隱几爲列仙鍊
魄閉瓊戶養毛飛洞天將知道遙久得道無歲年

趙微明

古離別二首

離別無遠近事歡情亦悲不聞車輪聲後會知何時去
日忘寄書來日乖前期縱知明當返一息千萬思

爲別未幾日一日如三秋猶疑望可見日日上高樓唯
見分手處白蘋滿芳洲寸心寧死別不忍生離憂

古輓歌

文苑英華
作王烈詩

寒日蒿上明淒淒郭東路素車誰家子丹旌引將去原
下荆棘叢叢邊有新墓人生痛長別此是長別處曠野
何蕭蕭風悲白楊樹

沈微

古興二首

蔓草自細微女蘿始天天黃緣至百尺榮耀非一朝蕙
色高碧嶺流芳薄丹青如何摧秀水正爲沈波漂莖葉
落巖跡英蕤從風颺洪柯不足恃況乃託陵茗

長安富豪右信是天下樞戚里笙歌發禁門冠蓋趨攀
雲無醜士唾地盡成珠日晏下雙闕煙花亂九衢恩榮
在片言零落亦須臾何意還自及曲池今已蕪

沈千運

贈史脩文

故人隔千里會面非別期握手於此地當歡返成悲念
離宛如昨俄已二十暮疇昔皆少年別來髮如絲不道
舊姓名相逢知是誰曩遊盡騫翥與君仍布衣豈曰無
其才命理應有時前路漸欲少不覺生涕洟

感懷弟妹

今日天氣暖東風杏花折筋力久不如却羨澗中石神
仙杳難準中壽稀滿百逐世多天傷喜見鬢鬚白杖藜
竹樹間宛宛舊行跡豈非林園主却是林園客兄弟可

存半空爲亡者惜冥冥無再期
哀哀望松栢骨肉能幾年
大自疎隔劉云可歎性情誰免此
與我不相易唯念得爾輩時
看慰朝夕平生茲已矣此外盡非適

于述

憶舍弟

衰門少兄弟兄弟唯兩人
饑寒各流蕩感念傷我神
夏期秋未來孰知無他因
不怨別天長但願見爾身
茫茫天地間萬類各有親
安知爾與我乖隔同胡秦
何時對

形影憤懣當共陳

野外作

老病無樂事歲秋悲更長窮郊日蕭索生意已蒼黃小
弟髮亦白兩男俱不强有才且未達況我非賢良幸以
朽鈍姿野外老風霜寒鴉噪晚景喬木思故鄉魏人宅
蓬池結網佇鱸魴水清魚不來歲暮空彷徨

張彪

雜詩

富貴多勝事貧賤無良圖上德兼濟心中才不如愚商
者多巧智農者爭膏腴儒生未遇時衣食不自如久與
故交別他榮我窮居到門懶入門何況千里餘君子有
偏性矧乃尋常徒行行任天地無爲強親疎

孟雲卿

今別離

結髮生別離相思復相保如何日已遠五變中庭草渺
渺天海途悠悠吳江島但恐不出門出門無遠道遠道

行既難家貧衣復單嚴風吹積雪晨起鼻何酸人生各有志豈不懷所安分明天上日生死誓同觀

古別離

朝日上高臺離人怨秋草但見萬里天不見萬里道君行本遙遠苦樂良難保宿昔夢同衾憂心常顛倒含酸欲誰許展轉傷懷抱結髮年已遲征行去何早寒暄有時謝憔悴難再好人皆算老壽死者何曾老少壯無會期水深風浩浩

傷時二首

太空流素月三五何明明光耀侵白日賢愚迷至精四
時更變化天道有虧盈常恐今夜沒須臾還復生

劉須溪云

子昂
風調

裴徊宋郊上不見平生親獨立正傷心悲風來孟津大
方載羣物生死有常倫虎豹不相食哀哉人食人豈伊
逢世運天道亮云云

傷懷贈故人

稍稍晨鳥翔
浙浙草上霜
人生早罹苦
壽命恐不長
二十學已成
三十名不彰
豈無同門友
貴賤易中腸
驅馬行萬里
悠悠過帝鄉
幸因絃歌末
得上君子堂
衆樂互喧奏
獨予備笙簧
坐中無知音
安得神揚揚
願因高風起
上感白日光

元結

貧婦詞

誰知苦貧夫
家有愁怨妻
請君聽其詞
能不爲酸悽
所

憐抱中兒不如山下麀空念庭前地化爲人吏蹊出門
望山澤回頭心復迷何時見府主長跪向之啼

春陵行

并序

癸卯歲漫叟授道州刺史道州舊四萬餘戶經賊
已來不滿四千大半不勝賦稅到官未五十日承
諸使徵求符牒三百餘封皆曰失其限者罪至貶
削於戲若悉應其命則州縣破亂刺史欲焉逃罪
若不應命又即獲罪戾必不免也吾將守官靜以

安人待罪而已此州是舂陵故地故作舂陵行以達下情

軍國多所須切責在有司有司臨郡縣刑法竟欲施供給豈不憂徵斂又可悲州小經亂亡遺人實困疲大鄉無十家大族命單羸朝食是草根暮食乃木皮出言氣欲絕意速行步遲追呼尚不忍況乃鞭朴之郵亭急傳符來往跡相追更無寬大恩但有迫促期欲令鬻男女言發恐亂隨悉使索其家而又無生資聽彼道路言怨

傷復誰知去冬山賊來殺奪幾無遺所願見王官撫養
以惠慈奈何重驅逐不使存活爲安人天子命符節我
所持州縣忽亂亡得罪復是誰逋緩違詔令蒙責固所
宜前賢重分守惡以禍福移亦云貴守官不愛能適時

顧惟孱弱者正直當不虧何人采國風吾欲獻此辭

杜子

美有覽道州元使君春陵行兼賊退後示官吏作二首
志之曰當天子分憂之地致漢官良吏之日今盜賊未
息知民疾苦得結輩十數公落落然參錯天下爲邦伯
萬物吐氣天下少安可待矣不意復見比興體制微婉
頓挫之辭

賊退示官吏

并序

癸卯歲西原賊入道州焚燒殺掠幾盡而去明年
賊又攻永破邵不犯此州邊鄙而退豈力能制敵
歟蓋蒙其傷憐而已諸使何爲忍苦徵斂故作詩
一篇以示官吏

昔歲逢太平山林二十年泉源在庭戶洞壑當門井
稅有常期日宴猶得眠忽然遭世變數歲親戎旃今來
典斯郡山夷又紛然城小賊不屠人貧傷可憐是以陷

鄰境此州獨見全使臣將王命豈不如賊焉今彼徵斂者迫之如火煎誰能絕人命以作時世賢思欲委符節引竿自刺船將家就魚麥歸老江湖邊

登九疑第二峰

九疑第二峰其上有仙壇松杉映飛水蒼蒼在雲端何人居此處云是魯女冠不知幾百歲燕坐餌金丹相傳羽化時雲鶴滿峰巒婦人有高風相望空長歎

獨孤及

奉同徐侍郎五雲谿新亭重陽集作

萬峯蒼翠色雙谿清淺流已符東山趣況值江南秋
白露天地肅黃花門館幽山公惜美景肯為芳樽留
五馬照池塘繁絃催獻酬臨風孟嘉帽乘興李膺舟
騁望傲千古當歌遺四愁豈令永和人獨擅山陰遊

海上寄蕭五

朔風剪塞草寒露日始結客行屆瀛壖歸思生暮節
驛樓見萬里延首望遼碣遠海入大荒寒蕪際窮髮
舊國

在夢想故人且胡越契闊阻風期荏苒成雨別海西望
京口兩地各天末目窮南雲盡唯見飛鳥滅音塵未易
得何以慰饑渴

山中春思

懶祭川水大人家春日長獨誦晝不暮搔首慙年芳
菲草知節換含葩向新陽不嫌三逕深為我生池塘
亭午井竈閒雀聲響空倉花落沒屐齒風動羣木香
歸路雲水外天涯杳茫茫獨倦萬里心深入山鳥行
芳景勿相

迫春愁未遽忘

題恩禪寺上方

谿口聞法鼓停撓登翠屏攀雲到金界合掌開禪局鬱
律衆山抱空濛花雨零老僧指香樓云是不死亭渺渺
于越路茫茫春草青遠峰噴百谷繚繞馳東溟目極想
何在鏡照心亦冥下視三界狹但聞五濁腥山中有良
藥吾欲隳天刑

觀海

北登渤海島回首秦東門誰尸造物巧鑿此天瀕源池
洞吞百谷周流無四垠廓然混茫際望見天地根白日
自中吐扶桑如何捫超遙蓬萊峯想像金臺存秦帝昔
經此登臨冀飛翻揚旌百神會望日羣山奔徐福竟何
成羨門徒空言唯見石橋足千年潮水痕

丁仙芝

江南曲

長干斜路北近浦是兒家有意來相訪明朝出浣紗發

向橫塘口船開值急流知郎舊時意且請攏船頭昨暝
逗南陵風聲波浪阻入浦不逢人歸家誰信汝未眠已
成粧乘潮去茫茫因從京口渡使報邵陵王始下芙蓉
樓言發瑯琊岸急為打船開惡許旁人見

沈如筠

寄張徵古

寂歷遠山意微冥半空碧綠蘿無冬春彩煙竟朝夕張
子海內奇耐為巖中客聖君勞夢想安得老松石

吳象之

陽春歌

簾低曉露濕簾捲鶯聲急欲起把空篴如凝彩絃澁孤
眠愁不轉點淚聲相及淨掃堦上花風來更吹入

楊諫

贈知己

江南折芳草江北贈佳期江濶水復急過江常苦遲蘋
白蘭葉青恐度先香時美人碧雲外寧見長相思

林琨

夕次華陰亭

清晨孤亭裏極目對前岑
遠與水天合長霞生夕林
蒼然平楚意杳靄半秋陰
落日川上盡闕城雲外深
方予事巖壑及此欲抽簪
詩就蓬山道還茲契宿心

談戴

清谿館作

指途清谿裏左右唯深林
雲蔽望鄉處雨愁為客心
遇

人多物役聽鳥時幽音何必滄浪水庶茲浣塵襟

劉復

寺居清晨

高枕對曉月衣巾清且涼
露華朝未晞滴瀝含虛光
隔竹聞汲井開扉見焚香
幽心感衰病結念依法王
青冥早雲飛杳靄空鳥翔
此情皆有釋悠然知所忘

出東城

步出

一作步步

東城門獨行已徬徨
伊洛泛清流密林含朝

暘芳景雖可矚懷憂在中腸人生能幾何冉冉隨流光
願得心所親罇酒坐高堂一為浮沉隔會合殊未央雙
戲水中鳬和鳴自翱翔我無此羽翼安可以比方

經楚城

日沒途且長遊子欲涕零荒城無人跡秋草飛寒螢東
南古丘墟莽蒼馳郊垌黃雲晦斷岸枯井臨崩亭昔人
竟何之窮泉獨冥冥蒼苔沒碑板朽骨無精靈俛仰寄
世間忽如流波萍金石非汝壽浮生等臊腥不如學神

仙服食求丹經

楊浚

題武臨草堂

草堂列仙樓上在青山頂戶外窺數峯塔前對雙井雨
來花盡濕風度松初冷登棧行不疲入谿語彌靜未能
去塵服兼欲事金鼎正直心所存諂諛長自省適知幽
遁趣已覺煩慮屏更愛雲林間吾將卧南潁

戴休珽

古意

窮秋朔風起滄海愁陰漲虜騎掠河南漢兵屯灞上羽
書驚沙漠刁斗喧亭障關塞何蒼茫邊烽遞相望弱齡
負雄節俠客多招訪投筆棄書生提戈逐飛將

宋昱

晚次荆江


孤舟大江水水涉無昏曙雨暗迷津時雲生望鄉處漁
翁閒自樂樵客紛多慮秋色湖上山歸心日邊樹徒稱

欽定四庫全書

唐詩品彙
卷十七

三

竹箭美未得楓林趣向夕垂釣還吾從落潮去



唐詩品彙卷十七